

Tot, hysinot kengashda qurilish surʼun qurilish churuk daivozasi tepasiga oʼtqizilgan bir fanorning titrak nurlarigina yoritar edi. Uni har kun kechqurun past boʼyli, burushiq yuzli bir chol kelib, yoqib ketar edi. Biz uni "Fanorchi ota", der edik. U juda yuvvosh, indamas kishiydi, kichkina narvonchasini chaqqon qoʼyib, allaqanday ustalik bilan chiqar, qoʼltigʼidan kir roʼmolchasini olib, avaylab fanor oynalarini artardi. Fanorni yoqqach, yerga tushib, obkashdek bukilgan yelkasiga narvonchasini qoʼyib birpasda koʼzdan yoʼqolar edi.

Fanor qurilgan vaqtarda butun mahalla quvonib, unga allaqanday mehr ila qaragan bo'salar-da, vaqt bu mehr uzoqqa cho'zilmagandi. Keyincha har kim unga parvosiz bo'la boshladi.

Ayniqsa, mahalla bolalari ila fanor orasida anglashilmas dushmanlik uyg'ondi. To'planishib, avvalo bir-birimizning do'ppimizni otishar, fanorga do'ppi kiygizgan o'rtoq menganligi ila kerilar edi. Keyincha bu ham bizni zeriktira boshladi. chunki piston qadalgan yoki har turli ipaklar bilan bezalgan do'ppini kiyib olib, fanor chiroyli bir tus olar, bizni xafa qilgandek bo'lар edi.

Shuning uchun qo'lizga tosh, kesak olib, fanorga hujum qilishni o'rgandik. Bunda u juda kuchsiz edi: kichkina bir kesak yoki tosh parchasi bechora fanorning oyna ko'zlarini o'pirib tushirardi. Keyin-keyin Fanorchi ota haftada uch-to'rt marta unga "yangi ko'zoynak" taqib ketishga majbur bo'lardi. U ketdi, darrov biz yangi "ko'z"ini o'yib olardik. Shunday bo'lsa-da, Fanorchi ota "Lom" deb og'iz ochmasdi. Uning bu qiliq'i bizga sira yoqmas, tutib olish uchun poylasa, hatto birontamizni tutib ursa ekan, der edik. Ammo shu tilaklardan bittasi ham yuzaga chiqmasdi.

Bir kun, namozshom vaqtı, ko'chada bolalar ko'p edi. Ichimizda eng ko'p qo'rqligida, eng battol Qosim cho'loq

"Bolalar!" - dedi. Changga botgan yuzlarimiz yangi bir narsa kutib, uning ko'zlariga tikildik.

- Fanorchi ota keladigan vaqt yaqin. Sindiramiz. Nima qilar ekan? - dedi-da, qol'ga ilinadigan bir narsa qidira boshlaadi.

Qol'larimizdan g'izilib uchgan tosh-kesaklar fanorning hamma ko'zlarini teshib o'tgan edi. Uzoqdan Fanorchi otaning bukilgan kichkina qomati yaqinlasha boshladi. Narvoncha yelkadan tushib, ta'zim ila devorga suyandi. Fanorchi ota uning ustiga chiqdi-da, "chirt" etib, gugurtni yoqdi: fanor to'rt tarafidan qulagan uy kabi ajava tusda, yana bir tomonga qiyshayib turar edi. Biz hammamiz kerilib turar edik. Ba'zilar "piq-piq" kulishdi. Chol kasal odamga o'xshab, sekin-sekin pastga tushdi. O'siq qoshlari tagida qisilib yotgan ko'zlarila hammamizga yalingansimon qaradi-da, mayin bir tovush bilan:

- Tentak bolalarim, bu qanday gap? Fanorga tegmasanglar, bir narsa bo'ladimi? U yuqorida, sizlar pastda o'ynay beringlar-da.

Bolalar jim bo'lgan edi.

- Sizlar hali yosh, ko'zlarингиз o'tkir. Qorong'i ham, yorug' ham baravar. Xuftan bo'lmasdan onalaringizning quchog'ida pish-pish uylab qolasiz hammangiz. Bizga o'xhash qari-qartanglar uchun chirog' judayam kerak, - dedi.

Bolalarning ko'zi cholda edi.

- Tunov kuni kechasi qattiq yomg'ir yog'ib turgan edi. Bu yoqqa kelsam, ko'cha qop-qorong'u. Fanorning teshik oynasi dan shamol kirib o'chirib qo'ygan. Ana u ariqnning bo'yiga bor ganimda bir nima suvni shapillatardi. Yopiray, nima ekan, deb fanorchamni ariqqa tutsam, menden ham qari bir kishi ariq dan chiqolmay yotgan ekan. Darrov qo'lidan tortdim, bir amallab chetga chiqardim, hamma yog'i loy, jiq-jiq suv.

Bolalardan biri:

- Voy, boyaqish, soqoliyam, yuziyam loymi?

- Hamma yog'i loy bo'lgan... Keyin yetaklab uyiga eltidib qo'ydim, - dedi chol.

Mening ko'zimga Fanorchi otaning degani shunday ko'rini kelgandi, Qosim cho'loq.

- Yolg'on-yolg'on! - deb baqirdi. Bolalar birdan:

- Rost! - deb javob qaytarishdi.

- Kim endi sindirsa, shuni tutib beramiz otamga, - dedi Ahmad.

Fanorchi ota:

- Ha, barakalla, endi sindirmaysizlarmi? - dedi.

- Yo'q-yo'q - javoy berdik biz shu zamон. Kichkina naryvonini yana yelkasiga ilib, chol qorong'ilikka kirib yo'qoldi.

Shundan beri, haqiqatan, fanorga hech shikast tegmadi. Hozir shu fanorning o'rnida sim to'r bilan o'ralgan tuxumdan kattaroq elektr lampochkasi yonib turadi. Uning uchun na yoquvchi, na gugurt, na moy kerak. Hech bir bola tegajaklik qilib tosh ham otmaydi. Uning yorug'ida yurganda yoshligimning bir parchasini va Fanorchi otanigina xotirlayman.